

ხელშეკრულება სახელმწიფო შესყიდვების შესახებ №87

წინამდებარე ხელშეკრულება დადებულია 6 მაისი 2019 წელს

1. ხელშეკრულებაში გამოყენებულ ტერმინთა განმარტებანი:

- 1.1. „ხელშეკრულება სახელმწიფო შესყიდვების შესახებ“ (შემდგომში – „ხელშეკრულება“) „სახელმწიფო შესყიდვების შესახებ“ საქართველოს კანონისა და „სახელმწიფო შესყიდვების განხორციელების წესის შესახებ“ დებულების საფუძველზე შემსყიდველი ორგანიზაციისა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დაკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებული;
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვების შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.
- 1.6. „კვალიფიციური ელექტრონული ხელმოწერა“- განვითარებული ელექტრონული ხელმოწერა, რომელიც კვალიფიციური ელექტრონული ხელმოწერის საშუალების გამოყენებით, კვალიფიციური ელექტრონული ხელმოწერის სერთიფიკატის საფუძველზეა შექმნილი.
- 1.7. „კვალიფიციური ელექტრონული შტამპი“- განვითარებული ელექტრონული შტამპი, რომელიც კვალიფიციური ელექტრონული შტამპის შექმნის გამოყენებით, კვალიფიციური ელექტრონული შტამპის სერთიფიკატის საფუძველზეა შექმნილი.

2. ხელშეკრულების დამდები მხარეები

2.1. წინამდებარე ხელშეკრულება დადებულია ერთი მხრივ **აფხაზეთის მთავრობის საქვეუწყებო დაწესებულება-ადმინისტრაციულ-სამეურნეო სამმართველოს**, წარმოდგენილი მისი უფროსის გოგი მანიას სახით (საიდ. კოდი 249251287 ქ. თბილისი ალ. ყაზბეგის გამზ. №42) (შემდგომში „შემსყიდველი“) და მეორეს მხრივ **სს „გუდვილს“**, წარმოდგენილი მისი დირექტორის მინდობილი პირის ნანა ახალკაცის სახით (საიდ.კოდი 206343991 ქ. თბილისი ფარნავაზ მეფის ქ.№1)(შემდგომში „მიმწოდებელი“) (საფუძველი:„სახელმწიფო შესყიდვების შესახებ“ კანონის მე-3 მუხლის 1 პუნქტის „ს1“ ქვეპუნქტი).

3. ხელშეკრულების საგანი

3.1. ხელშეკრულების საგანს წარმოადგენს (გამარტივებული შესყიდვის საშუალებით), ქვემოთ მითითებული საქონლის შესყიდვა. (CPV 15981100-არაგაზირებული მინერალური წყლები; CPV15981200 გაზირებული მინერალური წყალი; CPV15863200-შავი ჩაი).

№	დასახელება	რაოდენობა	ერთ. ფასი	ჯამი
1	მ/წ ბორჯომი (0.5ლ)	72	0.90	64.80
2	მ/წ "ბაკურიანის (0.5ლ)	120	0.45	54
3	კოკა კოლა გაზიანი სასმელი (0.5)	48	1.3	62.40
4	შავი ჩაი „გრინფილდ კლასიკ ბრეკევესტი“ 2გრX25ც	4	3.95	15.80
5	ავა „ღებო ექსტრა“ 100გრ.	6	3.49	20.94
სულ ჯამი				217.94

4. ხელშეკრულების ღირებულება

4.1. მისაწოდებელი საქონლის საერთო ღირებულება შეადგენს – **217.94 (ორას ჩვიდმეტი ლარი და 94 თეთრი)** ლარს, საქართველოს კანონმდებლობით დადგენილი შესაბამისი გადასახადების გათვალისწინებით;

5. საქონლის მიღება-ჩაბარების წესი, ვადები და ადგილი

5.1. შესყიდვის ობიექტი ჩაითვლება მიღებულად სასაქონლო ზედნადების ან ანგარიშ-ფაქტურის წარმოდგენის შემდეგ;

5.2. საქონლის მიწოდება უნდა განხორციელდეს ხელშეკრულების გაფორმებიდან 3 (სამი) დღის განმავლობაში.

5.3. საქონლის მიწოდების ადგილია ს.ს. „გუდვილის“ სუპერმაკეტების ქსელი.

6. მხარეთა უფლება მოვალეობები

6.1. „მიმწოდებელი“ და „შემსყიდველი“ ვალდებულია სრულად და ზედმიწევნით შეასრულონ ხელშეკრულებით ნაკისრი ვალდებულებები;

6.2. „მიმწოდებელი“ ვალდებულია მიაწოდოს „შემსყიდველს“ ხარისხიანი საქონელი ყველა საჭირო დოკუმენტთან ერთად;

6.3. „მიმწოდებელი“ ვალდებულია ხელშეკრულებით გათვალისწინებულ ვადაში უზრუნველყოს საქონლის მიწოდება;

6.4. „შემსყიდველი“ ვალდებულია „მიმწოდებელს“ მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას შესყიდული საქონლის ღირებულება.

7. მიწოდებული საქონლის ხარისხი და გარანტია

7.1. „მიმწოდებელი“ იძლევა გარანტიას, რომ მიწოდებული საქონელი არის მაღალი ხარისხის და ვარგისია მოხმარებისათვის;

7.2. „მიმწოდებელი“ ვალდებულია შეტყობინების მიღებისთანავე განახორციელოს წუნდებული საქონლის შეცვლა შემსყიდველის მიერ რაიმე დამატებითი დანახარჯის გაწევის გარეშე.

8. ანგარიშსწორების პირობები და ვადები

8.1. ანგარიშსწორება „მიმწოდებელთან“ განხორციელდება უნაღლო ანგარიშსწორების წესით ლარებში;

8.2. ხელშეკრულებით გათვალისწინებული საქონლის ღირებულების ანაზღაურება, საქონლის მიღებიდან (ზედნადების ან ანგარიშ-ფაქტურის წარმოდგენიდან) 10 (ათი) დღის განმავლობაში.

9. ფასები

9.1. წინამდებარე ხელშეკრულების ფასი წარმოადგენს ხელშეკრულების ღირებულებით პარამეტრს;

9.2. ხელშეკრულების ღირებულებითი პარამეტრის შეცვლა ხელშეკრულების მოქმედების მთელი პერიოდის განმავლობაში დასაშვებია განსაზღვრული ფასის გაზრდის ან შემცირების, ინფლაციის მაღალი დონის, სავალუტო კურსის მნიშვნელოვანი ცვლილების, საგადასახადო რეჟიმის შეცვლისა და საქართველოს სამოქალაქო კოდექსის 398-ე მუხელში გათვალისწინებული პირობების შემთხვევაში, თუ აღნიშნული ცვლილებები არ გამოიწვევს ხელშეკრულების პირობების გაუარესებას „შემსყიდველი“ ორგანიზაციისათვის.

9.3. ხელშეკრულებაში დაფიქსირებული ღირებულების გაზრდის შემთხვევაში მისმა საერთო ოდენობამ არ უნდა გადააჭარბოს ხელშეკრულების ღირებულების 10 (ათი)- %ს.

10. ხელშეკრულებაში ცვლილებების შეტანა

10.1. ხელშეკრულების დამდებ არც ერთ მხარეს არ აქვს უფლება შეცვალოს ხელშეკრულების პირობები მეორე მხარის წერილობითი თანხმობის გარეშე;

10.2. თუ რაიმე წინასწარ გაუთვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების შეცვლის აუცილებლობა;

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. უფლებების გადაცემა

11.1 „მიმწოდებელს“ არა აქვს უფლება „შემსყიდველის“ წერილობითი თანხმობის გარეშე მთლიანად, ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

12. სუბ-კონტრაქტორი

12.1. იმ შემთხვევაში, თუ სუბ-კონტრაქტორის დადების, ან სუბ-კონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, „მიმწოდებელმა“ წერილობით უნდა აცნობოს „შემსყიდველს“ ზემოთაღნიშნულის შესახებ და მიიღოს მისგან წერილობითი თანხმობა;

12.3. ამ ხელშეკრულების ფარგლებში დადებული ყველა სუბ-კონტრაქტორის ასლი უნდა წარედგინოს „შემსყიდველს“ მისი გაფორმებიდან ერთი კვირის განმავლობაში;

12.4. ამ ხელშეკრულების ფარგლებში დადებული არც ერთი სუბ-კონტრაქტორი არ ათავისუფლებს „მიმწოდებელს“ ხელშეკრულებით ნაკისრი ვალდებულებებისაგან.

13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება „ფორს-მაჟორული“ გარემოებების გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და „მიმწოდებლისათვის“ ხელშეკრულების შესრულების გარანტიის დაუბრუნებლობას;

13.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაუალახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

13.3. „ფორს-მაჟორული“ გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუფონდებლად უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებისამებრ, მიზანშეწონილობისამებრ და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან „ფორს-მაჟორული“ გარემოებების ზეგავლენისაგან.

14. მხარეთა პასუხისმგებლობა ხელშეკრულების პირობების დარღვევისათვის

14.1. ხელშეკრულებით ნაკისრი ვალდებულებების შეუსრულებლობის, ან არაჯეროვნად შესრულების შედეგად მიყენებული ზარალისთვის, მხარეები ერთმანეთის წინაშე პასუხს აგებენ საქართველოს მოქმედი კანონმდებლობის შესაბამისად.

14.2. ფორს-მაჟორული პირობების გარდა, მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში დამრღვევ მხარეს ეკისრება პირგასამტეხლო სახელშეკრულებო ღირებულების 0.1 %-ის პროცენტის ოდენობით ყოველი გადაცილებული დღისათვის;

14.3. რომელიმე ერთი მხარის მიერ ხელშეკრულებით ნაკისრი ვალდებულებების განმეორებით შეუსრულებლობის და/ან პირგასამტეხლოს დადგენილ ვადაში გადაუხდელობის შემთხვევაში, ან თუ პირგასამტეხლოს თანხა გადააჭარბებს ხელშეკრულების ღირებულების 3%-ს, მეორე მხარეს უფლება აქვს შეწყვიტოს ხელშეკრულება;

14.4. დამრღვევი მხარე ვალდებულია დაფაროს ხელშეკრულებით დადგენილი პირგასამტეხლო წერილობითი მოთხოვნიდან არაუგვიანეს 10 (ათი) დღის ვადაში;

14.5. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

15. ხელშეკრულების შეწყვეტა

15.1. ხელშეკრულების დამდები ერთერთი მხარის მიერ პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ;

15.2. ხელშეკრულების დამდები მხარე, რომელიც მიიღებს გადაწყვეტილებას ვალდებულია შეატყობინოს მეორე მხარეს მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 1 (ერთი) დღით ადრე;

15.3. ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისათვის გათვალისწინებული პასუხისმგებლობისაგან;

16. დავების გადაწყვეტის წესი

16.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ;

16.2. თუ შემსყიდველი და მიმწოდებელი ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადაგენილი წესით მიმართოს საქართველოს სასამართლოს.

17. ინტერესთა კონფლიქტი

17.1. "სახელმწიფო შესყიდვების შესახებ" საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმოწერილი და კონტროლის განმახორციელებელი პირები სრულიად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

18. ხელშეკრულების მოქმედების ვადა

18.1. ხელშეკრულება ძალაშია 2019 წლის 15 ივნისამდე.

19. ხელშეკრულების ინსპექტირების პირობები

19.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

19.2. ხელშეკრულების ინსპექტირებას შემსყიდველის მხრიდან განახორციელებს, აფხაზეთის ავტონომიური რესპუბლიკის მთავრობის საქვეუწყებო დაწესებულება – ადმინისტრაციულ – სამეურნეო სამმართველოს მიერ გამოყოფილი კოორდინატორი – სოსლან დანელია.

20. სხვა პირობები

20.1. ხელშეკრულება და მასთან დაკავშირებული ყველა წერილობითი მოლაპარაკებები და სხვა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე;

20.2. ხელშეკრულება შედგენილია ელექტრონულად და დამოწმებულია კვალიფიციური ელექტრონული ხელმოწერით და/ან შტამპით როგორც "შემსყიდველის" ასევე "მიმწოდებლის" მხრიდან.

20. მხარეთა რეკვიზიტები

„შემსყიდველი“

აფხაზეთის მთავრობის საქვეუწყებო დაწესებულება – ადმინისტრაციულ-სამეურნეო სამმართველო

მისამართი: ქ. თბილისი ალ. ყაზბეგის ქ. №42 ტელ: 237 67 69 ;

საბანკო რეკვიზიტები: მიმღები ბანკი: - სახელმწიფო ხაზინა;
მიმღების დასახელება – ხაზინის ერთიანი ანგარიში;
ბანკის კოდი TRESGE2

საიდენტიფიკაციო კოდი 249251287

აფხაზეთის მთავრობის საქვეუწყებო დაწესებულება – ადმინისტრაციულ-სამეურნეო სამმართველოს უფროსი

გოგი მანია

„მიმწოდებელი“

სს „გუდვილი“

მისამართი: ქ. თბილისი , ფარნავაზ მეფის №1

საბანკო რეკვიზიტები: ს.ს. „თი-ბი-სი“ ბანკის მარჯანიშვილის ფილიალი
ბანკის კოდი – TBC BGE22 ანგ. №GE61TB 361 533 602 010 0004

საიდ. კოდი – 206343991

სს „გუდვილის“ დირექტორის
მინდობილი პირი

ნანა ახალკაცი